

Podcast bórze na stronje gmejny

Malešecy (SN). Wopyt muzeja, šíce měškow za pjełnjenje z lěwančikom kaž tež wopyt dźiwadla – wšo to běchu temy minjeny tydzeń nahrawaneho podcasta rěčneho motiwatora Luciana Kaulfürsta w Přiwićicach. W ramiku prózdniškeho poskitka dojdźe sej dźesać holcow 1. do 4. lětnika Malešanskeho horta pod nawodom kubłarki Heleny Kralec z kolesom k radijowej staciji, kotruž je Lucian Kaulfürst loni zarjadował. Projekt lokalneho rozhłosa služi spěchowanjcu serbskeje rěče w Malešanskej wokolinje a informuje wo zajimawych serbskich temach.

Jemu po boku bě rěčna motiwatorka Juliana Kaulfürstowa. Zhromadnje wuhotowaštaj wonaj jako hobby-rozhłosownikaj rjane dopołdnjo za holcy. Džěči dožiwichu pisanu wotměnu mjez rolomaj moderatorki a technikarki. W serbskej a němskej rěči rozprawjachu wono wo svojich dotalnych prózdniških do-

žiwenjach a nazhonjenjach.

„Gmejna naš radijowy projekt podpěruje. Malešanski wjesnjanosta Matthias Seidel wozjewi podcast na webstronje gmejny. Z tym přeco wjace ludźi na naš poskitk skedźbnjamy. Z Malešanskim hortom mějach hižo kontakt a woni su so na mnje wobročili z próstwu, so w našim studiju raz wuspytać směć“, praji Lucian Kaulfürst. Za něhdže dwaj tydženjej budže podcast na webstronje Malešanskej gmejny online.

Wothłós na hižo produkowane podcasty Luciana Kaulfürsta je dobry. Přiwšěm wjeseli so wón přez dalšich zajimcow. Tež za nowe ideje a dalše poskitki je rěčny motiwator wotewrjeny. Zajimcy njech přizjewja so pola Luciana Kaulfürsta, rěčneho motiwatora za kónčiny Malešecy, Kubšicy, Bukecy pod telefonowym číslom 035932/ 120 131 abo mobil 0173/ 4537977 kaž tež přez mejlku na Lucian.kaulfuerst@domowina.de.



Tež kubłarka Helena Kralec je so z pomocu rěčneju motiwatorow Luciana Kaulfürsta (wotlěwa) a Juliany Kaulfürstoweje (naprawo) jako moderatorka noweho podcasta wuspytała.

Foto: Hilžbjeta Pöplec